

Desaroyo politico
Ultimo ora!

PARLAMENTARIO DI AVP TA ENTREGA PUESTO

ORANJESTAD(AAN) Ultimo dianan cu a pasa, tensionnan riba tereno politico tabata halto despues di diferente manifestacion di des- gusto cu ta reina den pueblo a tuma lugar contra e gobierno actual.

Den partido berde cos no ta pinta dje bunita ey pasobra tin hopi problema entre integran- tenan di partido AVP cu tras di otro ta pasa otro fastbalnan cu curvanan politico hamas bisto.

Pueblo por a nota for di basta tempo caba cu ministro- nan di AVP ta asumi un posi- cion di poder cu nan ta muestra no solamente den coalicion, pero tambe den pueblo cu ta nan ta manda y punto.

Un di nan a core grita algun tempo pasa The Deal is Off!, otro a benta gobierno abao cu e famoso Postema cu keto bay no a rebenta bon ainda, pero ta Moli Moli so e ta birando dia pa dia, otro ta hisa benta y ta kita schoolbus di muchan- na pa despues haya su mes

ta guli manda abao y bolbe pone bus back pa muchanan di school, otro ta bisa cu hopi arogancia cu su ruman tin un bon educacion (manera cu na Aruba no tin otro di e nivel ey) y ta pesey por page 200 y pico florin pa ora pa despues haya su mes ta bolbe revoca, otro ta pone KB riba cabez di colega ministro, otro ta asina arogante cu e no kier ni duna trahadornan di ambulans y laboratorio man etc etc.

Pero e obra maestra di aro- gancia y falta di respet pa pueblo en general, tabata e hecho cu ministro Marry Wever kier a caba cu school- nan catolico y riba dje bisa cu no ta berdad cu gobierno kier elimina schoolnan catolico pa finalmente bay compara su lider cu ta protestant cu un otro lider politico cu ta catolico!

Despues di a comete un acto di barbaridad asina cu no conoce su equivalente den historia di politica na Aruba, e ministro di Analfabetismo (E no por papia Hulandes y na lugar di laga enseñanza bay

dilanti, ta atras tur cos ta bay) a haya clero ta lanta contra dje den un demostracion di re- ligiosonan cu a bay entrega un manifesto contra e plan di gobierno pa caba cu school- nan catolico.

Ora cu algun integrante y parlamentario di OLA y AVP a sinta analiza e situacion bon, nan buchi a yena y dos parlamentario esta Glenbert Croes y Duke Croes a bay para banda di pastoor Lampe den e lucha pa scapa school- nan catolico.

Ministro Marry Wever cu mas bien tabata mihor sinta riba e puesto di ministro di combustible, a bay bolbe tira gasolin riba e caidela polit- ico, door di contesta pregun- tanan di prensa na un forma atrobe arogante y bruto.

E pregunta encuanto kico ministro Marry Wever tabata pensa di e accion di Glenbert Croes y Duke pa bay para solidario cu e manifestan- tenan religioso y asina bay linea recta contra nan mesun ministro di coalicion, e min- istro a contesta; "no puntra

ami bay puntra nan!

E situacion aki a pone cu algun integrante di partido berde nan buchi a yena y nan no por a wanta e pantomi- nanan y payasadanan cu tabata tumando lugar y cu e consecuencia final cu awe e prome ta entrega su puesto den parlamento.

Ken por a pensa cu net na e momentonan aki cu cos ta tenso na Aruba, cu un parla- mentario di partidonan cu ta forma coalicion lo bay en- tregra su puesto?

For di bon fuente DIARIO a haya informacion cu awe durante dia e prome parla- mentario di coalicion ta bay entrega su puesto.

Aparentemente entrante awe desaroyonan politico na Aruba lo bay laga pueblo keda babuca pasobra segun rumornan, tin varios miem- bro di partido cu ta bisa cu nan ta prefera di tene e honor na nan mes y sali cu cara na laira y no sigui forma parti di un maneho cu nan no ta para su tras pasobra pa motibo di Dynastia den partido nan ta

haya nan mes cada biaha den e situacion cu nan man y pia ta ser mara.

Rosea cayente di pueblo y demostracionnan dilanti di oficinanan di gobierno a pone politiconan na Aruba realiza, cu e tempo cu pueblo tabata djis guli manda abao a pasa y cu awendia pueblo ta exige bon gobernacion y esnan cu no por cumpli cu esaki mester saca nan conclusion.

Awe un parlamentario ta saca su conclusion y no cu e por ser tilda di mal maneho pasobra e no ta sinta den go- bierno, pero sintando den parlamento y mester para wak con cos ta bayendo, a pone e parlamentario aki aparente- mente realiza cu tur e añanan di trabao duro cu el a haci, e no ta laga otro caba cu esaki na nada door di hiba mal maneho y ta pesey e ta tene e honor na su mes y ta sali cu cara na laira!

DIARIO lo sigui e desaroyo aki di cerca pasobra durante e siman aki ta hopi asunto tin riba tereno politico pa sali na claridad di dia.

PRONTO TIN ENTREGA DI MAS DI AUTONOMIA

ORANJESTAD(AAN) For di fuentenan politico, DIARIO a haya informacion cu pronto mas autonomia di pais Aruba lo ser entrega na Hulanda.

Segun fuentenan politico di nivel halto, pronto un departa- mento esencial di pais Aruba, supuestamente mester bay traha hunto cu departa- mentonan di Hulanda y Anti- yas, pero e trahamento hunto aki ta nada otro cu ta Hulanda ta bay dicta den e departamento di gobierno di Aruba.

Straño ta cu parlamen- tacionan di pais Aruba no a ser poni na altura di e acuerdo aki cu pronto lo ser firma cu Hulanda o por ta posibel cu parlamentarionan di pais Aruba atrobe ta na soño?

Ta di lamenta cu tras di otro autonomia di e pais aki ta ser entrega door di e gobierno en- treguista cu Aruba tin, sin cu representantenan di pueblo den parlamento ta lanta para y bisa awor si ta basta.

